

Chhuah fan : October 1984

RAMTHAR

MAY



2026



Kulikawn Kohhranhoten Kolalian leh
Kolallian Chhim Veng an tlawh

SERMON

Chanchin T̄ha chauh lo chu

Phêk

7- 12

KUM 42-NA

MAY 2026

BU 483

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2025 - 2027

Editor

Rev. Dr. C. Chawngmingliana

Joint Editors

Pu Albert Lalhmangaiha

T. Upa T. Lalchhuangliana

News Editor

Tv. Lalringgheta

Circulation Manager

Pu Lallawmnakima Hmar

Publisher

Rev. R. Lalhmingsanga

Member-te

Rev. John Raldosanga

Synod Moderator

Rev. B. Zohmangaiha

Synod Secretary (Sr.)

Rev. Dr. Rosiamliana Tochhawng

Executive Secy., i/c Mission

Upa C. Lalmalsawma

BEC Member

Upa S. Lalthanga

BEC Member

SYNOD MISSION BOARD HOTUTE

Rev. Dr. Rosiamliana Tochhawng

Executive Secretary

Rev. R. Lalhmingsanga

Secretary

Pu Albert Lalhmangaiha

Coordinator

**Ramthar lâk chungchângah leh thu chhuah chungchângah
hêngahte hian biak pawh theih kan ní e:**

Mobile No: 8974694225 (WhatsApp/Telegram)

Email: ramtharchanchinbu@gmail.com

KUM KHAT LÂK MAN - ₹ 60/-

A CHHÛNGA THU AWMTE

- | | |
|--|-------|
| 1. Editor thukhawchâng | 1 |
| 2. Keimahni | 2 |
| 3. Field Chanchin Thar - Odisha (Chhunzawmna) | 3-6 |
| 4. Sermon | 7-12 |
| 5. BUH HMUN AṬANGIN: | 13-21 |
| (1) Kolalian khuaa rawngbâwlna | |
| (2) Hailakandi khuaa rawngbâwlna | |
| 6. Presbyterian Hindi Bible School i bêl Chiang ang aw | 22-26 |
| 7. Ramthar Feh | 27-32 |



KAN PATHIAN NI ÂWM RÊNG A LO NI



Khawvêla kan châp chhông hian hlimna leh lâwmna te, harsat manganna te hi kan nunah hian a inbuan let reng a. A chângin kan lâwmin kan hlim êm êm a. A châng leh kan mangang a, kan indawm kun reng bawk thîn.

Kan kawng zawh mêkah harsatna tâwkin eng kawng nge kan zawh ber dâwn tih inngaihtuaha thu tlûkna siam harsat châng kan nei fo thîn. Chutih hunah chuan eng dinhmunah pawh ding ila, kan Pathian chu kan bulah min puih châkin a lo awm reng a, *'I kawng zawng zawngah amah hre reng la, tichuan i kawngte chu a kawhhmuh zêl ang che'* tiin a thu chuan min lo thlamuan reng a lo ni a. Kan Pathian ni âwm rêng a lo ni e.

Sual khur thûk taka kan tân lai leh thlarau boral mai tûr kan nih laiin Ani chuan kan sual angin min thungrûl lo va. Kan sual ang angin min thungrûl zêl ta se boral mai tûr kan ni. A hnên ata lân bovin a duh lohna lamah hlîr kal mah ila, min ensan ngai lo va, hmangaihna mitin min thlir tlat a. Kan tân hian a dawhtheihna bân hi a sei êm êm a ni. Mahse, Ani chu hmangaihna a nih angin hmangaihna a khat a. Mi sualte kan la nih lai khan hmangaihna a fapa Isua Krista thisenin kan sualte min sil faisak a, min chhandam a. A hmêlma ni thîn kha a fa duh takah min pawm a, kan va vânei tak êm! Kan Pathian ni âwm rêng a lo ni.

Kan taksain harsatna tâwkin natna khirh takin min tlâkbuak châng awm thîn mah se, min thlahthlam ngai si lo. 'He natna hi chu ka tâwpna tûr a ni tawh ang,' ti khawpa han indawm kun châng lo thleng thîn mah se, Ani chuan min kalsan ngai lo va, Immanuela (Kan hnêna Pathian awm) khân min lo awmpui reng a lo ni si a. A thu ropui tak, *'Ka thi lo vang, ka dam ang a, Pathian thiltihte chu ka hriattîr zâwk ang,'* tiin min thlamuan tlat a. Natna avânga Pathian dem mai lovin, lâwm êm êmin kan harsatna, Pathian inpuanna chu kan chhuang ta hlauh zâwk si a. ***KAN PATHIAN NI ÂWM RÊNG A LO NI.***

KEIMAHNI**† SMB-IN LASH STUDIO LEH MFA TE INREMNA THUTHLUNG ZIAHPUI:**

Ni 2.4.2026 khân Synod Mission Board leh Lash Studio, Chanmari te chuan inremna thuthlung (*Memorandum of Agreement*) siamin, SMB lam aiawhin Rev R. Lalhminghsanga Secretary, SMB leh Lash Studio lam aiawhin Dr. Lalhmingmawii Khiangte ten an hming an ziak.

He inremna thuthlung hi kum thum atâna ziah niin, a tûl dân anga pawh sei theih a ni ang. SMB-in '*Beauty as a mission*' tih thupua hmanga rawngbâwlna huang a zauhnaah Lash Studio hian missionary-te *training* a pe dâwn a ni. Lash Studio neitu, Dr. Lalhmingmawii Khiangte hian a tûl apianga hman tûrin Hydra Facial Machine chu SMB rawngbâwlna atân a thlâwnin a pe a ni.

Ni 20.4.2026 khân Synod Mission Board leh Mizoram Football Association (MFA) te chuan Lloyd Hall, Synod Office-ah inremna thuthlung (*Memorandum of Understanding*) an ziak. He inremnaah hian Synod Mission Board aiawhin Rev. R. Lalhminghsanga, Secretary, SMB leh Pu Albert Lalmangaiha, Coordinator, SMB ten an hming an ziak a; MFA aiawhin Pu Lalrengpuia, Honorary Secretary leh Pu L. V. Lalthantluanga, Finance Secretary ten an hming an ziak.

He inremna thuthlung pawh hi kum thum chhông atân ziah a ni a; a tûl dân anga pawh sei theih a ni ang. MFA hian Missionary thlan chhuahte chu *training* pein *Coaching D Lisence* pêk an ni ang a, Tin, *Football Club Management Experience Certificate* an neih theihna tûrin Mizoram chhônga *Football Club lian Management Team*-ah hun eng emaw chen an tel thîn bawk ang.



FIELD CHANCHIN THAR**ODISHA FIELD***(Chhonzawmna)**Rev. Lalrintluanga**Field Secretary, Odisha Mission Field**Mobile No: 9612365970*

3. Gopalpur Kohhran: Gopalpur khua hi Rayagada aṅanga km 11 vêlah a awm a. Thingtlâng khua niin, a khaw dai, leilet hmun zâwl, kawngpui bul lawkah biak in kan sa a. A bul hnai khaw paruk vêl aṅangin ringtu an lawi a ni.

Gopalpur leh a chhehvêla ringtu hmasate: Kum 2005 vêl khân Gopalpur khaw ṭhenawm, Dandipadi khaw mi Narsingh-a chu a dam lo vak mai a. An sakhua inthâwina chi hrang hrangin a tihdam theih loh hnûah, rawngbâwltu pakhat chu ṭawngṭaisak tûrin an ngên a. Rawngbâwltuin a ṭawngṭaisak hnu chuan damna a chang ta a. Narsingh-a chuan an biak ṭhin pathiante ai chuan Lal Isua a rin tlâk zâwk tih hriain, Kristianah a inpe zui ta a ni. Ani hi Gopalpur leh a chhehvêla ringtu hmasa ber a ni a, tûn thlengin kohhran khaipa a la ni reng.

Zâwi zâwiin ringtu an pung chho ve zêl a. Chutih laiin, ringlote aṅangin dodâlna an tawh fo bâkah, anmahni enkawltu Lutheran Kohhran chuan an thlahthlam deuh bawk nêl, ringtute chu an baihvai ṭhin hle. Kum 2016 khân Field hotute leh Lutheran Kohhran hruaitute chu inbiain, Gopalpur leh a chheh vêla ringtute chu enkawl tûrin min ngên a. Kum 2017 October ni 8-ah Presbyterian Kohhranah lawm luh an ni ta a ni. Hetih hun lai hian Gopalpur khaw ṭhenawm, Ulki-guda khuaa ringtu, Sito Maniak-a leilet thlâmah an inkhâwm ṭhin a. Ulki-guda Fellowship/Kohhran tih a ni nghe nghe.

Vânduaitlak takin, Sito Maniak-a hi hum sual daiin,

rawngbâwlna chhonzawm thei lovin a awm a. Chutia rawngbâwlna a thawh theih tâk lovah chuan a thlâma inkhâwm a phal ta lo va. Kohhranhote chu inkhâwmna tûr nei mumal lovin, an mangang thîn hle a ni.

Lalpan biak in hmun tûr min pe: Hetih hun lai hian tûn hma lama Kristiante dodâl fo thîn, Bonish Rao Kadraka chu a fapa a thi hlauh mai a. A mangang khawhar chu kan missionary-te nêh inkâwmin, an tawngtaisak thîn a. Bonish-a chuan inkhâwmna tûr nei mumal lova kan awm chu min veipui ta tlat mai a. A leilet thlâm chu inkhâwmna atâna hman tûrin a pe ta mai a! Chu thlâmah chuan 2019 kum tîr aţangin kan inkhâwm thei ta a. Leilet awmna hmun hi Gopalpur khaw dai a nih avângin, Gopalpur Kohhran tiin kan sawi zui ta a ni.

Biak in kan sa: Bonish-a thlâm chu a sawprawp tawh avângin, sethlâmin inkhâwmna tûr sak a ni a. Mistiri dang ruai lovin, Bonish-a ngei chuan hotu chan a chang a. Kohhran mipuiten phûr takin an sa ta a ni. He biak in hi kum 2019, August ni 5-ah hetih hun laia Field Secretary, Rev. Lalramdinthara Colney chuan a hawng a. Hemi ni hian Biak In hmun petu, Bonish-a leh a nupui fanau te bâkah, mi eng emaw zâtin baptisma an chang nghe nghe a. A ropui dangdai hle.

Ringtu an pung ve zêl a. Biak inah chuan kan leng ta meuh lo va. Biak in thar sak kan tintuah leh ta a ni. *Project List*-ah Biak In sakna tûr ₹ 4,50,000 kan dah chu Bâwngkâwn Chhimvêng Kohhranin an rawn chhâng hlauh mai a! Kum 2024, July thla aţangin biak in thar sak hna chu kan thawk tan leh ta mup mup mai a ni. Kohhranho an phûr bawk a, hnatlâng thâ an thawh nasa thîn hle.

Vântirhkoh kan tawng! Biak in hi a dung ft 48, a vâng ft 18-in kan rel a. A chung *slab* kan duh bawk nêh, rin aiin a lo

hautak a, kan pawisa neih sâ chuan kan sa zo thei dân lo tih chiang takin a lang ta a ni. Hetih lai tak hian Pathian hnathawh mak tak mai a lo lang a. tum khat chu hmêl hriat loh pa pakhat hi bak in sakna hmunah rawn kalin, eng tûra sak nge, tu nge a enkawltu etc., tiin a rawn zâwt a. Hnathawktute chuan he Fellowship enkawltu, Dr. K.C. Lalchhingzova *number* an lo pe a. Ani chuan Dr. K.C.-a chu be nghâlin, inhmuh a duh thu a hrih a. Tu nge a nih a sawi si lo, RSS *agent* emaw, *Revenue* hotu emaw a nih kan ring a, kan râlti ru viau mai.

A sawi ang ngeiin zânah Dr. K.C.-a inah chuan a rawn kal ta a. Kan rawngbâwl dân te chik takin a zâwt a. Zing kârah biak in sakna hmuna inhmuh a duh thu a sawi leh ta a. A nihna a la sawi chiang duh chuang si lo, hlauthâwng angreng takin kan la awm a.

A tûk zingah chuan biak in sakna hmunah a nupui nêan an rawn kal a. Hyderabad-a hnathawk a nih thu leh, Kristian a nih thu te a sawi ta a. Kum 2020 vêl khân helai kawnga a lân laiin, kan sethlâm biak ina kraws intâr chuan a mit a lâk riau thu leh, ding meuhva a thlîr thu te, tûna in sak mêk chu a biak in hmuh kha a ni em tih a hre duh hi a lo ni a. A biak in hmuh ngei kha a nih thu leh, biak in lian zâwk kan sa mêk a ni tih a hriat chuan a lâwm ta êm êm a. “*Lalpa, helai hmunah nangmah biakna hmun a lo awm hi kan va lâwm êm!*” tiin hnukulh teuhvin a tawngtai ta mai a! Kan missionary-te chu an thaw huai mai a ni! Pawisa fai 1,00,000 phawrhin, “*Hei hian ka tanpui ang che u a, a dang pawh in mamawh ang zêlin kan rawn ngaihtuah ang,*” a ti a. A hnu deuhah ₹ 50,000 min pe leh bawk a. Kan biak in pawh tha takin kan sak zawh theih phah ta a ni. Kan tân chuan Lalpa vântirhkoh a ni hawt e!

Biak in hawn leh a hnu lam thil thleng: Gopalpur

Biak In chu December 27, 2024-ah kan hawng a, min puitute hian an chhûngkuain minrawn hmanpui thei a, kan lâwm hle (Amah hi sawrkâr laipui hnuaiia *Intelligent Bureau Officer* a nih avângin a fimkhur a, a hming târ lan a remchâng lo a ni). Chu mai a ni lo, kan biak in chuan tuikhur a hlat deuh tih hriain, *“Borewell lo siam ula, a man ka rawn tum ang,”* a ti leh ta a. *Borewell* siamna man, ₹ 75,000 chu a rawn tum leh ta vek bawk a. Kan lâwmna a thua hnih ngei mai!

Gopalpur Biak In thara ringthar baptisma chang hmasa berte chuan February 2, 2025 khân baptisma an chang a. A tam ber chu biak in saa thawk thînte an ni hlawm. Lalpan an thinlungah hna a thawk a, an insa piang thar a ni ber âwm e! An zîngah hian hmeithai, Sadamani te nufa pawh an tel ve a. Sadamani hi a pasal te khua Ulkiguda-ah awmin, biak in kan sak hmâ lawk hian pasal a sùn nghe nghe. Hetia ringtu a lo nih tâkah chuan a khaw mite hian ngaithei lovin, an khuaa a awm ve an phal ta lo va. Anmahni khaw lamah a kîr leh a. Nimahsela, a chhûngte chu ringtu an nih loh avângin an ngai thei bîk lo va; chuvângin, Rayagada lama a chhûngte a bêl ta rih a ni.

Sadamani-in hetiang taka harsatna a tawh avâng hian a sakhaw hlui lama a lêt leh mai kan hlauthâwng deuh a. Ani erawh chuan, *“Agia, (Ka pu), harsatna ka tawh hi Pathianin ka rinawm leh rinawm loh min fiahna a ni a. Engti kawng mahin Isua hi ka phat dâwn lo, martar pawh ka huam a nia,”* a ti awlsam thên a. An tân Isua zui man a to teh e!

Mission Field-ah chuan biak in sak ringawt pawh hi Pathian ram zauna a ni thei a, a ni fo bawk. Biak in tharin ringthar a keng tel fo mai te hi lâwmawm tak a ni! Hei hi Lalpa tih a ni a. Lalpa hmanrua leh a hna thawhpuitu rinawm kan nih zêl theih nân leh, chu hna chu lâwm chung a kan thawh theih nân min lo tawngtaipui thîn dâwn nia//.



SERMON

CHANCHIN ṬHA CHAUH LO CHU

Chhiar tûr: 1 Korinth 9:16

Rev. R.C. Lalchhuanthanga

Asst. Professor, MTC

Mobile No: 7085237973



Khawvêl huapa Chanchin Ṭha hril inṭanna bulpui ber chu Pentikos Ni aṭanga inṭan a ni kan ti thei ang. Isuan khawvêl zawng zawnga kala Chanchin Ṭha hril tûra thu min pêk kha kum sâng hnih hnuah pawh ringtuten kan la chhonzawm zêl a. Hêng kum tam tak chhûnga Chanchin Ṭha zin kawng erawh a inang lo hle thung. A hril dân te, hrilna hmun te, a harsat leh kawng inhawn dân te, hnam leh ram azira thil a danglam theihzia te sawi tûr tam tak a awm. Tûn ṭumah pawh a tîr aṭanga thil inthlâk chhoh dân tlângpui leh tûna kan hmachhawn mêk chungchâng hi târ lan kan tum dawn a. Ringtuten engtia hmachhawn tûr nge tih kan sawi bawk dawn a ni.

Kohhran hmasa berte nunah: Kohhran a din tîrh phat khân thil dang an buaipui lo. Jerusalem leh Antiokei kohhran hmasate khân an member neih tam leh tlêmah an inteh lo va, an hausak leh retheihah tehna an lek chuang lo. Chanchin Ṭha chi nung an kawl kha pêk chhuah tlâk a nih an hre mai a. Chumi atân chuan insitna an nei lo va, a neitu Pathian an hriat chian êm avângin tîm miah lovin an chêt chhuahpui a nih kha.

Antiokei Kohhranah Thlarau Thianghlimin Paula leh Barnaba a tihhransak thu kan hmu nghâl chat mai a ni (Tîrh 13:2f).

Mizoten a thu kan buaipui leh tuiptui tak tîrhkoh Paula ngei pawh thlarau lama a thûkzia kan hria. Ván thumna meuha hruai a nihzia te, kraws thu a buaipui dân leh chu chauh chu a chhuan ṭhinzia te, a nun pawh ‘Krista’ ti hial khawpa thlarau lama a

rilzia kan hria. Hêng zawng zawng hi Chanchin Ṭha a hrilna hmuna a chhar chhuah vek a ni a. Krista Chanchin Ṭha buaipuitu nuna Pathian inpuanna thûk bîkzia a lang Chiang hle.

Kohhran hmasa hun aṭanga hun laihâwl (AD 30-1500): Tirkhohten bul an ṭan a. Rom sorkar, *Pax Romana* (Rom sorkar ṭhang duang tak, tu ma hneh rual loh khawpa chak ni baw) an tih hial hnuaiyah kum zali chhûng vêl zet chu Barbarian leh Vikings-ho zîngah te an chetla tam zual a. Tihduhdahna nasa tak tak an tuar baw. Puithiam rualte chu inkhung hrangin *monastery*-ah mite an zirtîr ṭhîn a. Hêng hmangte hian Chanchin Ṭha an hril a ni ber.

Thil chhinchhiah tlâk tak chu, Isua zirtîrte khân khawvêl hmun zau zâwk, Mesopotamia, Sri Lanka, India, Egypt, Ethiopia, Armenia, Afghanistan, Tajikistan, Tibet leh China-ah te Chanchin Ṭha hi an lo thlenpui hman tlat nia.

Hemi hnuah Europe leh Great Britain hmar lama hnam ṭhenkhat zîngah a kâng kai zêl a. Chuta ṭang chuan khawvêl ram zau zâwkah Chanchin Ṭha hi miin an lo hre chho zêl a. Hemi hun chhûng hian Islam sakhua a lo piang baw a, anni nêh hian nasa taka inbeihna a thleng hial a nih kha. Hêng hun harsa tak tak kârah pawh Chanchin Ṭha hian hneh theih loh a nei lo va, a thil tih theihna hmaah khawvêl a ṭang zo lo a ni ber.

Missionary Hun (kum zabi 16-19) chhûng: A tawi zâwngin, hemi hun chhûng hi ‘*tûn lai mission inṭanna a ni e,*’ an ti hial a. Khawthlang ramten Chanchin Ṭha hril an vei a, tûn hmaa an la tlawh chhuah loh khâwmualpui an luh chhuah nasa leh zual a. Hei hi Germany rama Protestant kohhran aṭangin ringtu nuna duh tuina leh Pathian tâna inserh duhna tak takte aṭanga lo chhuak a ni a, chûngho chu ‘*Pietist*’ tia koh an ni.

Hemi hun lai hian Europe aṭanga America, Asia leh

Africa-ah te mi tam zâwk an pêm darh a. Anni hi Chanchin Ṭha meichher chhitu pawimawh an ni nghâl bawk. Khawvêl huapa missionary ropui William Carey, David Livingstone leh Hudson Taylor te chanchin khawvêlin kan hriat ṭanna pawh a ni. Kum zabi 19-na bîk pheih chu ‘Kum Zabi Ropui’ (Great Century) an tih phah hial a. Keini Mizote ngei pawh hetih hun laia Chanchin Ṭha dawng ngat kan ni bawk.

Hetih laia missionary tîr chhuaktu tam berte rilruah khawvêl ram zawng zawng, Isua chanchin la hre lote hnêna Chanchin Ṭha hril duhna hi a lian zual a. Kristian an nih nghâl loh pawhin Isua thupêk zawm mai kha an ngai pawimawh tak zet a ni. Missionary tam tak an martar a, kohhran pawh Chanchin Ṭha veina kawngah a ṭhangharh a, chu chuan mi kawlh-sen pui pui pawh a tuk zal thei hial a nih kha. Chu mai ni lovin, khawvêl changkâna ṭhang duang tak kârah pawh tuk dawl zo an awm lo a ni.

Tûnlai hun (Kum zabi 20-na): Kum zabi 19-na chhông khân kohhran leh *mission* pâwl hrang hrangin khawvêl hmun tam takah missionary an tîr chhuak a. Chanchin Ṭha hril ṭheuh ṭheuh, tih dân inang lo ṭhenkhat lo awm ṭhîn avângin thawh hona ṭha zâwk neih duhna a lo piang a. Kum 1910-ah khawvêl pum pui missionary inkhâmpui chu Scotland rama Edinburgh-ah neih a ni ta a. He inkhâmpui hian rah ṭha tak a chhuah chho zêl a. Khawvêl huap kohhran inzawm khâwm leh *mission* chungchângah ngaih dân thar a lo piang a, chu chu ‘*Missio Dei*’ (Pathian Mission) tih hi a ni.

Missio Dei chuan Chanchin Ṭha hrilna huangah ngaih dân zau leh thûk zâwk min neih tîr a. Thlarau bote hnêna Chanchin Ṭha hril mai bâkah thil siam zawng zawng huam kim zâwnga mission kalpui duhna a hring chhuak a. Germany rama Willingen hmunah 1952-ah khân he ngaih dân hi khawvêl huap

missionary inkhâmpui chuan a pawm ta a ni.

Hlâwk zâwka rawng-bâwl duhna a lian zêl a. Khawthlang ngaih dân mai ni lo, khawchhak leh ram hnuaihngung zâwk aṭangin Pathian thû leh mission chungchângah ngaih dân thar a lo piang a. 1960 hnu lamah phei chuan zalênna Pathian thû (Liberation Theology) te a lo piang ta hial a. Chuta ṭang chuan Chanchin Ṭha hril dânah pawh, missionary-ten anmahni ngaih dân leh duh dân mai ni lo, kan hrilna hmuna mite mil zâwnga thiam taka kalpui ṭhat zâwk dân te a lo chhuak a. He ngaih dân hian Chanchin Ṭha hrilna kawngah pawh nasa takin awmzia a nei rêng a. Vawiin thlenga kan sawi tam ber zînga mi a ni bawk.

Kum zabi 21-na hnu lam: kalpui dân leh missionary ten Chanchin Ṭha an hril dân hrang hrang kan sawi ta a. Kum zabi 21 kan han chuang kai a, rawngbâwl dân tûrah hmachhawp leh a kal hmang

pawh siam rem hret hret ngai a awm chho zêl. Tûn hmaa khawthlang ram aṭang chauha Chanchin Ṭha dawng ṭhîn khawchhak mi aṭang te, ram thim zâwk nia kan ngaih aṭang tein missionary tam zâwk anrawn chhuak a. A Sâp ṭawng takin *Global North to South* kha *Global South/ East to North* ah a inthlâk chho mêk a ni. Lal Isua rawngbâwl na ngei pawh kha Palestina hmar lam aṭanga inṭanin chhim lam Jerusalem-ah, heta ṭang hian khawvêl pumah a chanchin hi hril darhin a awm a nih kha.

Kum zabi kal ta tâwp lamah phei chuan ngaih dân lâk takrawn piang chu, Chanchin Ṭha hril hi khawi aṭang pawhin eng hmunah pawh (*Mission from everywhere to everywhere*) tih leh mi zawng zawng, khawi hmunah pawh (*Everyone to everywhere*) tih hi a ni. Tu te pawh hi missionary kan ni nghâl a, Isua ringtu tawh phawt chuan Chanchin Ṭha hril hi a vei mai. Kan awmna hmun apiang *mission field*-a

chantîr hi a tum chu a ni. Hetah hian kohhran mi tu pawh Chanchin Ṭha hrilna kawnga âwl bîk a rem lohzia a Chiang zual hle.

Tûnah hian India ram lailî leh khawvêl ram zau zâwk kan thlir chuan Chanchin Ṭha hril a harsa tual tual a. Kan ram ngeiah pawh hmanni lawka zalên taka kan hril theihna hmunah fimkhur taka kalpui a ngai zual ta. A rûka min veh ngar ngar te, kut min thlâk hial pawh hreh lo, lung ina min tântîr hreh lo leh kan in leh lo thlenga suasam duhna te kan tawng chho zêl a. Chuvâng chuan Chanchin Ṭha hril dân ko thlâk a ngai ta a ni ber. Chumi atân chuan Synod Mission Board chuan ruahmana ṭha tak a nei nghâl a. Missionary-ten thiam thil (*skill*) an neih tûlzia a hria a. ‘*Professional Ministry*’ tiin kan missionary te pawh eng emaw tal thiam thil nei tûrin training a pe mêk hlawm a ni. Hei hi ringlo zîngah pawh a ṭangkai nghâl hle. Miin ui miah lova a thiamna hmanga Chanchin Ṭha a hril

hian dodâl ṭhîntute pawh a hneh ta tlat.

Ringlo zîngah ṭhian tha tam tak missionary-ten an neih phah mêk a. Sorkar lama thil ti thei tak tak thlengin hmêl hriat an neih phah bawk. Chu chuan rawngbâwlina kawng zau zâwk min hawntîr mêk a ni. Tute emaw laka harsatna kan tawh châng pawhin mak tak main kan him phah ta fo mai. Kum zabi 20-na laia Missiologist, Donald McGavran-a ten sikul hmanga rawngbâwlina hlâwkzia an lo sawi fo ṭhin ang khân tûnah pawh a hmanrua, tawktarh kan neih thiam deuh deuh hi a pawimawh tih hriain Synod Mission Board pawhin thiam takin hma a la a ni.

Khawvêl ram zau zâwk thlirin Isuan rûl ang fîng, ṭhûro anga nun nêh a tih ang khân fîng leh rem hre taka Chanchin Ṭha hril kalpui deuh deuh a ngai zual. A bîkin Mizote hian kan hmêl anpui, South East Asia lam te kan thli thlai reng a. Kohhran hrang hrang aṭangin

missionary pawh an kal nual ta. Hetah pawh hian thiam thil a la pawimawh reng. Chumi bâkah mi rama hna thawk thei tûr khawpa lehkha thiam leh ei zawna dap thei kan inchher deuh deuh pawh a ngai.

Synod Mission Board Inkaihhraina (*Manual*)-ah hian *Tentmaking* Missionary nih dân fel fai tak a awm a. Mi ðhenkhat, sorkar hna-thawk, chumi paha Chanchin Ṭha hril, *tentmaking* missionary an awm fo tawh ṭhîn a. Anni ang hi eng ramah pawh tu mahin an dâl zawh loh, missionary ðangkai tak an ni mêk. Mizo zîngah pawh China rama missionary-a awm mêk, hna dang thawk anga lang si, Buddhist sakhaw zuitu zînga thûk taka rawngbâwl te pawh an awm. Hindu an ni emaw, Islam sakhua zuitu zîngah emaw pawh ni se, hemi hmanga rawngbâwl-na hian thûk leh zau zâwkin Lalpa tân ram a la zêl dâwn a ni.

World Vision-a an hotu ṭhîn leh US-a ‘*Youth for Christ*’ dintu zînga mi Ted Engstram-a chuan, “Kohhran, Chanchin Ṭha hrilna thûk taka luh chilh ngai lo leh Chanchin Ṭha ngai pawimawh lo chuan chhandamna hi a bul thûmah a la hrethiam tâwk lo a ni,” a ti a. American Musician lârtak Keith Green-a pawhin, “*Tûn chhuan kal mêka thlarau bote hnêna Chanchin Ṭha hril hi tûna mite mawhphurhna a ni,*” a ti bawk.

A châng chuan Chanchin Ṭha hril hi harsa tawh hle niin ngai ṭhîn mah ila, kum 2000 liam ta, kohhran hmasa ber aṅanga waviin thleng hian hun harsa tak tak kârah pawh hnehtu a lo ni tawh ṭhîn. A hmanrua chu eng pawh ni se, Lal Isua chanchin hi khawvêl changkâng tak kârah pawh a la tûnlai ber a. Eng mi pawh ni ila, a zahpui lotute hnênah a thil tih theihna hi pêk a la ni zêl. Hei chauh hi ringtute buaipui tûr dik tak lo ni zêl rawh se.



BUH HMUN AṬANGIN KOLALIAN KHUAA RAWNGBÂWLNA

*R. Lalêngzuala, Evangelist
Kolalian, HM North
Mobile No: 99738 05008*



Kolalian khua hi Home Mission North, Zamuang Pastor Bial chhûnga ramthar kohhran awm chhun an ni a, Mizoram hmâr thlang lam Assam ramri depa awm a ni. A mi chêngte hi Bru hnam niin, Zamuang aṭangin Km 21 vêla hlâa awm a ni. Zamuang leh Kolalian inkârah Hriphaw (Mizo khua) a awm a, Hriphaw nêh khaw inhnaih tak niin Hriphaw aṭangin Km nga vêl chauhvva hla a ni.

Kolalian khua hi Hachhek tângdunga awm a ni a; kuhva pawh a ṭha duh hle a. Tûnah pheh chuan in bul huan bâkah an ram neih ang ang hi kuhva hmudin a khat a ni deuh ber tawh. Kuhva chîn hi an ei zawna a ni deuh ber. A khua hi tâng theng-thaw nuam tak, zothlifîmin a chhêm heuh heuh ṭhîn a ni a, khaw hawi a nuamin boruak pawh a thawveng nuam hle. Chutih rualin, tui erawh a harsa hle a, ṭhâl lai chuan tui kang nghah a ngai a, Hriphaw aṭangin tui lei a ngai ṭhîn.

Kolalian khuaah hian chhûngkua 200 chuang an

awm a, in erawh 180 vêl a awm thung, mipa 720 leh hmeichhia 678 awmin, an vaiin 1,398 lai an chêng mêk a ni. Khaw dai, Assam leh Mizoram inrînaah hian pi leh pute sùlnû, lung bangah milem ker a awm a, tlawhtu pawh a nei ve nual ṭhîn. He milem ker hi Hindu-hovin ta neihin an chei hnûm a, *Mandir* te sak chilhin an pathian biakna hmunah an hmanng tawh nghe nghe a ni. Assam leh Tripura aṭang tein an rawn pan ve vang vang ṭhîn. *Puja* hunah pheh chuan an ṭhahnem ve ṭhîn hle.

Kolalian khuaah hian

Chanchin Ṭha a luhna pawh a lo rei tawh hle a, kum 1973 daih tawh khân Chanchin Ṭha hril a ni tawh a ni. He khuua Chanchin Ṭha hriltu missionary hmasa ber chu Upa Lalbiakthanga Sailo niin, a nupui fanau te leh a tu leh fate nêh Hriphaw khuah an inbeng bel a. Tûnah hian kum 77 mi ni tawhin, Hriphaw Kohhran Upa a ni mêk a ni (Pathianin hrisêlna te pe zêl sela, rei tak dam tûrin kan duhsak hle a ni).

Ani hi kum 1973-1976 thleng a thawk a, Evangelist Teacher rawngbâwl hna a thawk ṭhîn a, *private sponsor* a ni. Anin Kolalian a chhuahsan hnuin thawktu dang, *private sponsor*-ten eng emaw chen an ṭhut chilh leh a. Chumi hnuah Synod Ramthar Board-in kum 1982 khân Pu P.C. Malsawma, Evangelist Teacher-in a dah ta a ni. Kolalian khuua rawngbâwl hna hi sikul nêh ṭang kawpa hma lâk zêl a ni.

Kum 1997-a Tripura lama an râtlân hnuin Mizo-

ramah an rawn kîr leh a. Kolalian khaw mi leh sa te bâkah khaw dang mite nêh khuah an dîn leh ta a. Ṭhenkhat chu Tripura-a an awm chhûngin an sakhaw hluiah an kîr leh hman a, a tam zâwk erawh chu rinawm taka Lal Isua hnung la zui an awm bawk. Kum 2010 May 2 khân kohhran dîn leh a ni a, he hunah hian Hriphaw Kohhran Upa Samuela leh Upa Lalbiakthanga Sailo ten hun an hmanpui a ni. Synod Ramthar Board-in Evangelist rawngbâwl hna thawk tûrin Pu H. Lalthanpuia a dah a, ani ho hian theih tâwp chhuahin kohhranhoten hma an la a, kohhran pawhin hma a sâwn chak hle. Kum 2013-ah Pu Lalremruata Colney chu Evangelist tûrin dah a ni leh a, khawtlâng leh kohhran mite mamawhna avângin kohhran sikul dîn a ni a, sikul dîn a nih aṭangin ringthar pawh an pung chak hle a ni.

Eng emaw rokhawlhna avângin kum 2022-2023 chhûngin sikul tih tâwp a ni a, sikul awm loh chhûng hian

Sunday Sikul naupang tûr pawh an awm mumal lo hman hial a ni. Chutiang a nih tâk avângin kum 2024 khân kohhran sikul chu din leh a ni a, mi inphalte aţang leh sikul *fee* aţang tein tualchhûng mi zirtirtuah rawih an ni a, kohhran tualchhûng sum hman ngai lovin sikul pawh  a takin a kal ve z el a ni. Pathianin sikul rawngb awlna pawh mal a s awm a, ringlo fate pawhin Lal Isua an rin ve phah a, an nu leh pate thlengin Chanchin  a kan hrilh theih phah bawk.

Kolalian khua hi khaw dung sei tak a ni a, khaw t awp, Assam hnaih lamah biak in a awm a. Khaw tawn tirth lama awm t an chuan inkh awm a hautak hle a. Kohhran Committee-in ngun taka a ngaihtuah hnuin *fellowship* siam mai  a a ti a, inkh awm-na hmun t ur te ngaihtuah a ni a. Pu Bojendro te chh ungkua-in an in sak thar chu inkh awm n an phal takin min pe a, kan l awm hle a ni. Kum khat leh a chanve chh ung zet in luah man chawi lovin kan

inkh awm hman. An chungah kan l awm tak zet a ni.

Pathian hn enah biak in hmun t ur kan d il  thin a, kan dilna chh anin a awm a! Pu Donesor te nupa, Kolalian Kohhran din tirth aţanga t n thlenga kohhran t na mi rinawm takte thinlungah Pathianin hna a thawk a, an in bula an kuhva hmun chu kohhran t n biak in hmunah phal tak leh l awm takin an pe ta a. Biak in hmun kan laih d awn pawhin kuhva kung puitling 40 v el zet kan kit a, Pu Donesor chuan, “*A  ul chuan a dang pawh kan kit z el d awn nia,*” a ti a ni. Pathian leh a kohhran t na an inphalna te Lalpan a l et tam taka a rulh leh ngei hi kan ring tlat a ni.

Pu Donesor hi kum 86 a ni tawh a, a nupui hi kum 78 v el a ni bawk, an hun hnuhnung an hman  a hle a ni. Hetiang mi kohhranin kan nei hi an hlu kan ti a, a l awm-awm tak zet a ni. Khaw chh ung mi  henkhatin, “*In ti uiawm  m mai,*” tia an lo sawipui

pawhin, “*Vânah a man kan la têt ve dâwn alâwm,*” tiin a lo chhâng mai thîn. Pathianin Kolalian khuaah a ram a zauh zêl a, tûnah chuan biak in pahnih lai a ding ve ta. Missionary-te leh kohhranhote thawh hona a tha hle a, ringlo beih kawngah te pawh kohhran miten thahnem an ngai hle a ni.

Kristiannaah hian ramthar hmun dang ang bawkin nghet lo deuh te pawh an awm ve tho va, nghet leh rinawm tak te pawh an awm bawk. Rinna kawngah kan puitlin zêl theih nân te, mahni chipuite veina thinlung kan neih deuh deuh theih nân te kohhran mipuite tawngtaipui-na kan mamawh hle a ni. Kolalian khuaah hian ringlo an la thahnem hle a, tûnah hian in 57 lai an la awm. Hêng zîngah hian in 13-te chu Kristian nêna inawm pawlhna te an ni. Ringlo thenkhat hi chu Kristian ni tawh, an sakhaw hluia lêt leh te an ni a, a tlângpuiin anniho hi beih an harsa hle. A tîr lama kan sawi tawh angin Kolalian

khaw dâi maiah *Mandir* te an nei tawh bawk nêh, hêng avângte pawh hian beih an harsat phah leh zual.

Direct Evangelism hmanga rawngbâwl na kalpui a ni bawk. Hêng - *Crusade, Camping, Street Preaching* leh *Home visit* te nêna hma lâk thîn hi a ni. Kan rawngbâwl na pawimawh tak pakhat Pathianin mal a sâwm êm êm chu damlo buaipui hi a ni. Kolalian khuaah hian *sub-centre* tak ngial pawh a awm lo va, damlote leh nau nei tûr te damdawi inah hruai an ngai thîn a.

Hetih hun hi rawngbâwl na atâna hun tha tak a ni a, harsatna an tawh lai hi an rilru hneh theihna hun pawimawh tak a nih vângin phûr takin zân rei pawh ni se kan buaipui thîn. A châng chuan zân reia chhuah a ngai a, in kan thlen leh meuh chuan khua a lo vâd dêr tawh thîn. Thenkhat phei chu an inenkawl na sênsô tûr nêh lama ngaihtuhsak ngai an awm bawk. Neih deuhva an mamawh zawng zawng

tihsak theih a chåkawm thîn hle. An tân theih tâwp kan chhuah ve thîn tih hi an hai bîk rêng rêng lo va, hêng avâng te hian Lal Isua an lo neih ve phah thîn a ni. Lalpa ropui ber se! Nurse emaw,

Health Worker emaw neih a chåkawm thîn hle. Lal Isua rawngbâwlna pawimawh tak pawh kha tih dam rawngbâwlna a ni a, kan rawngbâwlna pawhin hma a sâwn lehzial ngeiin ka ring.

HAILAKANDI KHUAA RAWNGBÂWLNA

*K.C. Lalsawmliana, Evangelist
Hailakandi, Barak Area
Mobile No: 8731099780*



Chanchin ngaihnaawm tak sawi tûr nei lêm lo mah ila, kum 1994 aţangin kohhranhoten luh chilhin Isua Krista Chanchin Th̄a kan pu lût a, kum 34 lai rawng kan lo bawl ta reng mai. Lung bang ang maia khauhvin min lo hmachhawn mah se, Thlarau Thianghlim th̄ahnem ngaihna z̄arah rawngbâwlna a la kal z̄el a ni.

Hailakandi hi Assam chhûnga *district* pakhat *headquarters* pakhat a ni a, Assam chhim chhaka awmin Mizo-ram a rî phâk a. Rela kal chuan Sairang aţangin d̄ark̄ar hn̄ih leh a chanveah a thlen theih a ni a, lehlân phâk lek a ni. Tûnah hian Pastor 1, Missionary Permanent - 1, Field Worker Contract -1, TBZ missionary -1 kan awm.

Bengali (Hindu) leh Bengali (Muslim)-te hi hmunhma neia chêngte an ni a. *District* chhûng hmun th̄enkhat̄ah hian Mizo hnahtl̄ak - Hrangkh̄ol, Sakachep, Ranglong, Chorai, etc. unaute hmunhma nghet tak neiin an awm bawk a, Bru unaute pawh an awm ve nual bawk a ni. Khawpui chhûngah hian Naga (Rongmei) hnam tl̄êm t̄ê hmunhma neiin an awm bawk. Hindu leh Mosolman te hi hnam lian

Hailakandi-ah hian

berte an ni a, Mosolman hi an tam zâwk hret âwm e. Kum 2011 Chhiarpuiaah khân *district* zau zâwng hi 497/Km Sq a ni a, mihring hi 6,59,296 an awm a; inchhiar thar leh ta ila, nuai sawm chuang awm ngei tûrin an inring a ni.

Hailakandi boruak hi lum ve thawkhat tak mai a ni a; January leh February-ah hian thawmhnaw lum hâk a ngai ve thîn a, fûr tui lian hlauh-awm khawp a awm lêm lo.

A tlângpuiin sumdâwnga ei zawng an ni ber. Hindu lam unaute hian thahrui sêng lo zâwngin hna an thawk tlângpui a, Mosolman unaute erawh an taima êm êm a, eng pawh mai hi an thawk hreh lêm lo va, thar pawh an thang chak zâwk em aw a tih theih. Sawrkar hnathawk awmte hi *district* pâwn lam mi an ni deuh em aw a tih theih a; ACS Officer tlâng mi pahnih thum hi an awm ve reng a, thla an ti muang thîn hle a ni. Khawtlâng nun hahthlâk sawi tûr a tam lêm lo va, Assam leh Mizoram kan inep a nih

lêm loh chuan kan ralmuang phian a ni.

Hailakandi-a chêngte hi sakhaw mi tak an ni hlawmin a hriat theih a. Mosolman sakhua vuantute an inzirtûr tha viau mai a, Hindu lam hi inzirtûrna an nei tha lêm lovin a hriat thung a. Mahse, Hindu pâwlte hian an mi leh sate an thunun hneh viau thung a ni. Kum 1992-ah rawng kan bâwl thar a. Mission hmunhma kan nei sâ lo va, kum 1994-ah mission-in ram lei tûr kan hmu a, a zau lêm lo. Kum 1996-ah ram chu lei belh leh a ni a. Tûnah hian biak in, pastor *quarters* leh missionary *quarters* pakhat a leng thei ta a, a lâwmawm hle a ni.

Kum 1994-ah ringthar kan nei thar a. Tûnah hian a ram mi Kristian chhûngkua paruk, member 23 an awm mêk a, anni bâkah hmun danga hnathawk mi pasarih an awm a ni. Anni hi an hnathawhna lamah an awm deuh chawt a, an rawn haw ngai meuh lo. Hailakandi hi Pastor thuthmun a ni a,

Kohhran Upa 1 kan nei a, kohhran in hi 15 kan ni mêk a ni.

Hailakandi-a hnathawka awm, tlâng mi chhûngkaw nga, Pathian ram ip pawh Hailakandi Kohhrana pe thîn an awm bawk a. Tin, mahnia khawsa mi eng emaw zât an awm bawk a, lo awm tawh thînte leh anniho thahnem ngaihna avâng hian biak in thutthlêng, *pulpit*, maichâm, *lectern* leh kohhran bungbel tha tak tak kan nei thei a ni.

Tin, zirlai nula tlangval fel tak tak awmte hian kohhran chêtna hrang hrangah hun leh thâ an rawn sêng nasa êm êm thîn a, a lâwmawm hle a ni. Pathiannah hian biak inah kan leng lo ve fo mai, inkhâwm a nuam thîn hle a ni. Hmun hrang hrang aţangin mikhual inkhâwm an awm ve reng thîn a ni.

Kan member-te hian hun harsa tak tak an tâwk ve reng bawk a, kan member chhûngkaw khat (Muslim Kristian)-te hi an unauten in

sakna tûr ram tlâwm têin an leitîr a. An neih ang angin in chu an sa ve a; mahse, an sakhaw hluia lêt leh tûra an beihna hmanrua mai a lo ni hlauh mai. An inkhâwm an sawisêl a, an en zui reng thîn. An inkhâwm dâwn te hian hnathawk tûr ang mai hian an lo chhhuak a, a nih loh pawhin bazaar tûrin an insawi thîn a; *regular* taka inkhâwm an thei ta lo a ni. Keini lam pawhin kan tlawh thei lo va, “*Min rawn tlawh lo mai teh u, in hmêl an hmuh pheih chuan kan buai phah dâwn êm mai,*” an ti a. Chutiang chuan harsatna hian a tuam ve reng a ni.

Kum 2025 Krismas hma lawk khân kan member dangin harsatna an tâwk leh bawk a. Kan member tlangval pakhat hi Hindu nula nêin inngaizâwngin kum 3 /4 vêl inzui tawh an ni a; an inneih huna a bangbo lutuk loh nân kan *programme* thenkhatah te a lo hruai fo thîn a. Chu chu Hindu pâwl te hian an lo hriat khân an duh lo hle a ni ang, kan tlangval chu nikum

krismas hnaih deuh tawhah khân ko hrangin hmun fianrialah an hruai a. Hindu-a inlet tûrin an vau bet a, *mandir*-ah hruaiin inlehna thu an sawi luihtîr a, an khawih ve nual bawk a. Tichuan, an in lamah hruaiin a nu pawh inlet tûrin an vau leh a; mahse, huaisen takin ani chuan a lo hnial fithla thak a. A chungah tharum erawh an thawh ve lo hlauh va. Hêng an thil tawn lungchhiat thlâk tak avâng hian Krismas te pawh hmun dangah a hmang a ni. Krismas pawh hlim taka hman a har hle a ni.

Krismas nî-ah hian mi tam tak Mission Compound-ah hian Krismas *festival* chhim tûrin an lo kal thîn a. Keini lamin *programme* kan theih ang angin kan lo siam a, a chhiar duh tâna Bible leh Bible *tract* kan chhawp chhuah thîn chu eng emaw zât an la thîn a, ei leh in tûr te kan lo buatsaih thîn bawk a. Chu chu Hindu pâwlte hian an dodâl thîn a, ‘*Tu mah Krismas hmang tûra Kristian biak inah kal loh tûr,*’ tiin poster

te an târ a, *mike* hmanga au kualin min dodâl ve thîn hle. Thu neitu lam sawrkar te pawhin min hlauhpuï avângin *duty* tûrin police an rawn tîrh châng te pawh kan tawng tawh bawk a ni. Mahse, hêng harsatnate hian min tichakin member-teah nghehna thar a siam zâwk thîn a, a lâwm-awm hle a ni.

Mi tam zâwk inah hian lèn luh a har khawp mai a, khawpuï hmâwr khawii maw laiah te chuan kan lêng lût thei a; mahse, mahni nunah pawh thu nei thui hlei thei lo, Hindu pâwl ten duh duha an vau beh theih vek an nih avâng hian hma sâwn a har thîn khawp mai. Chuvâng chuan hma lâkna atâna ît deuh han sawi lang ve ila a tha âwm e: “*A rûka missionary, private English Medium School-a thawk tûrin Evangelist Teacher, English leh Hindi hmang thei dah ta ila, middle class chinah hian rawng kan bâwl phâk ve tawh ang a, naupang nu leh pa te nêh inpawhna tha tak a awm thei nghâl ang. Tin, an thawhpuite*

thian thaaah siamin a remchân hunah Chanchin Tha a sawipui theih bawk ang a,” tiin ka lo ngaihtuah ve nasa thîn a. Hêng *private school*-te hian tlâng mi an sikula thawk tûr an duh êm êm thîn a.

Lo ti thei dâwn ta ila, sikul lama an hlawh hian in tha pangngai luahna tâwk vêl a ni thei ang a, sum sên belh a ngai dâwn lo a ni. Sikul thar din ai mahin a tha zâwkin ka ring thîn a, langsar taka rawng kan bawl hian eng nge

kan tum hi an hre hneh tawh si a, min pumpelh dân an thiam riau tawh si a.

Li thûk lamah hian sangha tha a awm duh thîn a, chumi chu luh chilh tûrin a kawng hmuh fuh a ngai thîn. Tih dân han her hret hian li thûka sanghate kan hmachhawn thei zâwkin a rinawm a, ruahmanna siam hi mihring lam chan a ni ve bawk a. Eng pawh ni se, tawngtaina lamah kohhranhoten theih tâwp chhuah zêl ila, Lalpa ram a zau zêl ang.

Hmân lai hian France ram khawpui pakhat, Merseille-ah hian pa pakhat, Guyot-a an tih chu a chêng a. Thil siam chhuahna hmun lian tak neiin, a Hausa hle a. A inren thei hle a, sum khâwl a thupui hle bawk a. A khaw mite chuan uikawm lutuk tiin an ngaithei lo hle. Khawlaia an hmuh chângte hian an au el a, an chhah a, mipa naupang thenkhat phei chuan lungin an tâwng fo bawk a. A thiha a thurochhiah an en chuan heti hian a lo inziak a:

“Ka naupan têt ata tawh Marseille khuua mi retheite hian tui thianghlim an tlachham tih ka hria a. Chumi phuhrûk nân chuan sum tam tham tak a ngai dâwn tih pawh ka hria a. Chuvângin, ka dam chhûng zawngin an tâna malsâwmna ka nih theih nân tiin ka inkhâwl a. Ka thil neih zawng zawng hi chumi atâna tângkai taka an hman atân ka pe e,” tiin.

*I tân tam ka tuar kha,
I hril zo thei lo vang;
Hrehawm sawi sên lohva
Hremna i tuar loh nân.
I tân eng pawh ka zuam,
Ka tân eng nge i huam?*



**PRESBYTERIAN HINDI BIBLE SCHOOL
I BEL CHIANG ANG AW**

B. Kananmawii

Teacher, PHBS

Mobile No: 8974769666



Thuhma : Presbyterian Hindi Bible School hi Bawngkawn a awm a ni a, Masihi Sangati Kendra nêna *building* khata awm an ni. Kohhran mite zîngah a chanchin leh din dân la hre lo kan la awm nual mai a. Kan Synod hnuaia Hindi ÷awnga Pathian thu zirna kan neih chhun a nih avâng leh ramthar rawngbâwlna kawnga a pawimawhna kan hriat theih nân a chanchin tângpui kan sawi dân a ni.

A din ÷an dân: Presbyterian Hindi Bible School (PHBS) hmun hi ni 12.1.1983 khân Home Mission Committee chuan ‘**Vai Kristian Centre**’ atâna lei tûrin a ruahman a, a hming atân ‘**Hnamdang Kristian Centre**’ vuah a ni. A hmun lei nân hian Pî Parkungi leh Upa T. Romana te hnên a÷angin puihna sum dawn a ni a.

Ni 24.04.1983 khân Synod Moderator, Rev. Thangpuilianan a hawng a. Kum 1989 a÷anga hman ÷an tûrin a hmingah ‘**Hnamdang Christian Training School**’ tih a ni a. *Building* te sak

chhoh niin zo zân lo mah se *Training School* hawn ÷ul tihna a nasat avângin ni 24.08.1990 (Zirtâwpni) chhûn dân 12:00-ah Synod Moderator, Rev. C. Vânlalhruaian a hawng a. Ni 15.09.1990-ah zirlai mi 20 nên *Head Instructor*, Pro Pastor Vânlalbelah leh *Instructor*, Upa H. Lalchungnunga te hovin *Class* neih ÷an a ni a; hetih hunlai hian *course* khat hi thla thum chhûng zirtîr ÷hin an ni.

Ramthar Board *Meeting* ni 25.10.1990-a neih chuan ‘**Hindi Bible School**’ tiin a hming a thlâk a. Kum 2008 Synod General No.105-nain

Hindi Bible School inrêlbâwl hranna tûr a ruahman a, a hming atân '**Presbyterian Hindi Bible School**' tih ni se a ti a, chu chu wawiin thlengin hman a ni ta a ni.

Tichuan, kum 2009 - 2015 thleng inrêlbâwlna hran hi neih a ni a, kum 2016 aṭangin Principal hran awm lovin Masihi Sangati Kendra Director-in Principal hna hi a hmui nghâl a ni. Tûnah hian Principal bâkah zirtîrtu pali awmin (*zirtîrtute hi BD Degree nei vek an ni*) Office Assistant pakhat leh *cook* pakhat kan awm mêk a ni.

Course/Syllabus: Kum 1998 aṭanga wawiin thleng hian kum khatah *batch* hnih zirtîr ṭhin an ni a, zir hun chhûng hi thla 6 (*January - June leh July- December*) a ni. Zir tûr hian Hindi ziak leh chhiar thiam, Class VIII *pass* chin tân dîl theih a ni a. Kum bithliah awm lovin, ruih theih thil ti lo, rawngbâwlna lama tui, tu pawhin dîl theih a ni. Pathian thu leh rawngbâwlna lama min pui thei tûr *subject*

10 zirtîr an ni a, chûngte chu - *Theology, Introduction to Old Testament, Introduction to New Testament, Worship & Preaching, Mission & Evangelism, Counselling & Church Administration, Bible Knowledge, Church History, Major Religion, Life & Ministry of Jesus Christ* te an ni a, zir chhuak te hi C.Th (*Certificate in Theology*) *degree* pêk an ni.

Enkawltu Board: PHBS hi Synod Mission Board enkawlna hnuaia awm a ni a. Hostel leh ei leh in tûr a thlâwnin a pe a, thla tin *stipend* a pe bawk. Hei hian sum leh paia harsatna nei, zir ve duh site tân kawng a tih awlsam phah a, a lâwmawm tak zet a ni. SMB hian a enkawltu tûrin *Managing Committee* (*kum thum atân zêl*) a ruat a, anni hian theih tâwp chhuahin hma min lâkpui ṭhin a ni.

Local Guardian: Zirlai-te an zir chhûnga dammawh hritlân an tawh thûah leh an mamawh leh veivahna sêno

tumsaktu tûr, iptepui bâнна ngaihtuhsak an ngai thîn a. Hemi atân hian Aizawl khaw chhûnga Pastor Bial, kohhran, fellowship leh mi mal inpe ten an enkawl theih tûr zât te an rawn sawi a, chûng aţang chuan iptepui bâнна tûr ruahmansak thîn an ni a; sikul lamin kan pêm buh bel te pawh an awm bawk thîn. Anni hian î hê lovin min tih-hlawhtlinsak thîn a, a lâwm-awmin hei hian thawh hona thâ min siam a, sikul kal zêlna rahbi pawimawh tak a ni.

Zirlai neih tawh dân: Kum 1990 aţanga December 2025 thlenga zirlai kan neih tawh zât chu 1,915 (*mipa 1,465 leh hmeichhia 450*) an ni a, zir chhuak 1,855 leh zir chhuak thei ta lo mi 60 an awm bawk a ni.

School Activities: Zirlai *batch* tin te hi rinna lama dinhmun inang lo tak takte an ni a, sikul an rawn luh tih hian *retreat/crusade* neihpui thîn an ni. Tin, *music class, sport, sightseeing* te neihpui niin, faina lam zirtîr pah

fâwmin *hostel, compound* leh a chheh vêl tihfai hnatlâng neihpui thîn an ni.

Practical: Kohhran kal-phung an zirna tûrin Bawng-kawn Kohhran Biak Inah leh Aizawl khawpui chhûng Masihi Sangati Fellowship hrang hrangah te tih chhuah thîn an ni a. Ni tin *devotion* neihpui an ni a, hetah hian inkhawm kaihhruai dân leh *sermon* te zirtîr an ni. India ram chhûng leh pâwn aţanga rawn zir an nih angin *testimony sharing* an nei thîn a, rinna kawngah chona min pe nasa thîn hle. Hêng bâkah hian Masihi Sangati Bial *Meet, Area Meet, Convention* leh kohhran *programme* dangah te hotute kaihhruai-nain kalpui thîn an ni a. Zai leh lâma rawngbâwlna an nei bawk thîn.

Rawngbâwlna a ţangkaina: PHBS hian thiamna pêk bâkah a tîra a din chhan, rawngbâwltu chher hi a la kalpui reng a, a ţangkaina tlêm han târ lang ila.

Mission Field rawng-

bâwlnaah: PHBS zirlai tam ber hi *mission field* aṅga rawn zir an ni a, Kraws sipai ṅang lai te leh rawngbâwl tûra chher theih tûra beisei te an ni tlângpui. Zir chhuakte hi an awmna *field*-a thawktu hman tlâk leh missionary puitu ṅangkai tak tak an ni zui hlawm. India ram pawns Nepal leh Bhutan aṅgante pawhin an rawn kal bawkt̃hin a ni.

Masihi Sangati rawng-bâwlnaah: PHBS leh Masihi Sangati hi unau an ni ti ila hriatthiam a awlsam ber âwm e. Masihi Sangati evangelist te hi he sikul aṅga zir chhuak an ni deuh vek a. Zirna sâng zâwk zir chhûnzawma pro pastor leh pastor ni ta mi 15 vêl an awm tawh a ni.

Para church rawng-bâwlnaah: Para Church kan tih Varanasi khawpuia Mission hrang hrang te, TBZ te, ZEF te, etc. aṅgante hian zirlai an awm ve reng a. Anni pawh hian a ram mi thawktu leh thawkt̃ tûra chher theih tûr âwm mi, kohhran leh

fellowship enkawl thei tûr mite an rawn zirt̃ir ṅhin a ni.

Kohhran dang rawng-bâwlnaah: PHBS hi rawngbâwltu chherna hmun atân kohhran dang - Baptist, LIKKBK, IKK, UPC, Roman Catholic, CNI, CSI, etc. an rawn hmang ve mêk a. Hêng kohhran dang unauten an rawn zirt̃irte pawh hi an zir chhuah hnu a kohhran leh an *mission field*-a rawngbâwltu ṅangkai tak tak an ni zui hlawm a ni.

Rinna kawnga zirlaite dinhmun tlângpui: Kan zirlai tam zâwkte hi khawsak lama harsa ve t̃e t̃e an ni a. Chutih rualin, Lal Isua rinna leh zuina kawnga entawn tlâk tak tak te an ni hlawm. Kan missionary leh evangelist ten Chanchin ṅha an hril aṅga Lal Isua ring ta, mahse an chhûngten an tuithlâr tâk, in aṅga an hnawh chhuah, kalna tûr hre si lo, kan missionary leh pastor ten an lo buaipui, Pathian thu zir tûra an rawn thawn chhoh an awm nual a. ṅhenkhat chu heta an

zir mêk laia an chhûngten an tuithlâr te, ðhenkhat chu an chhûngten harsatna an tawh dâwn avânga in lama haw an rem tih tâk loh te, ðhenkhat an haw hnua an chhûngten an lo tihduhdah te an awm ðhîn. Tûna zir mêk zîngah pawh an chhûngten an tuithlâr mêk an awm a ni.

PHBS-a zirlai tam zâwk hi an chhûngte Kristian la ni lo an ni a, harsatna tam tak pal tlanga lo kal te an ni hlawm. Lehlam zâwnga ngaihtuah chuan an khaw-ngaihtlâk ðhîn hle. Zirlaite chanchin aṭang hian Pathianin a kohhran leh missionary te, evangelist te rawngbâwnaa an thawh rimzia leh mal a sâwmzia a hmuh theih a ni.

Ngenna leh sâwmna:
Presbyterian Hindi Bible School hlutna leh pawimawh-

na hi mission field lama awmte chuan kan hre ṭan viau a; mahse, Mizoram chhûnga awmte hian kan la hre lo deuh em aw tih theih a ni.

Tûnlai kan India ram dinhmunah kan missionary-te tân Chanchin Ṭha hril a harsa chho mêk zêl a. Hêng kârah hian a ram mite a theih anga tam rawngbâwl thei tûra zirtîrna kan pêka, kan chher hi a ðûl hle mai. Tualchhûng kohhran te, fellowship te leh mi mal te pawhin kan rilru leh ngaihtuahna sêng thara, ṭan la lehzual tûrin kan ngên che u a ni.

PHBS hi a din tîrh aṭang rênga thawh hona nêna kal kawp tlat a nih avângin he sikul kal tlang hian kan aiawh tûr kan tîr chhuak thei a ni tih hre chungin theih tâwp i chhuah zêl ang u.

Elizabeth P. Prentiss-i (1818-1878) te nupa hian kum 1850 khân an fate pahnih hi inhnaih tak maiin an sûn a. Elizabethi chuan a tuar na hlê mai a. A taksâ leh thlarau chauh êm êm lai chuan Jakoba chanchin leh a nun beh chhana Sarah Adams-i hla phuah 'I lamah min hîp rawh,' tih hi a duh êm êm mai a. Fianrial hun a hmang nasa hle a. Tlai khat chu 'Hmangaih zual che ka duh,' (KHB No 428) tih hla hi a ziak chhuak hlawl mai a. Mahse, a ṭha tâwk lo nia ngaiin kum 13 zet chu a up bo!

RAMTHAR FEH

1.

1. Field hming : Arunachal & Assam Mission Field 'N'
2. Khua : Dumporijo
3. Tlawh hun : Ni 26.11.2025 – 04.12.2025
4. Tlawhtu : Ruantlâng Kohhran RT Committee
5. Kal zât : Mipa – 6; Hmeichhia 4
6. Tlawh chhan : Work Camp
7. Hna thawh : Biak In sak
8. Sum hman ral : ₹ 2,20,000

9. **Hun hman dân leh hna thawh dân:** Ni 26.11.2025 (Nilaini) zîng dâr 9:00-ah Ruantlâng Kohhran Biak In tualah Bialtu Pastor K. Lalthlamuanan ÷awngtaiin work camp kal tûrte min thlah a. Sumo-in tluang takin tlai lam dâr 3:00-ah Sairang Rel Station thlengin, hemi zân dâr 7:00 hian Relin Guwahati kan pan a. Tluang takin a tûk ni 27.11.2025 (Ningani) zîng dâr 8:00-ah Guwahati chu kan thleng a. Heta ÷ang hian tlai lam dâr 1:45-ah Itanagar lam panin Rel bawkin kan chhuak leh a, tluang takin zân dâr 7:00-ah Itanagar chu kan thleng a. Pu Lalrinfela S/o Lalzuala, Ruantlâng khua, Itanagar-a awm mêk te chhûngkuain min lo hmuakin an in lamah zanriah tui tak nê min lo mikhual a. Anni chhûngkua hian work camp kal tûrte tân ILP te siamin, kan mamawh tûr ang zawng zawng min lo buaipui vek baw a, kan lâwm hle. Kan lâwmna tizual tûrin kan work camp chhûng hian kan hna thawhna hmunah Pu Lalrinfela hi a rawn work camp ve nghâl baw a, a chungah hian kan lâwm hle a ni.

Ni 28 (Zirtâwpni) zîng dâr 7:30-ah Itanagar a÷ang chuan Sumo-in Dumporijo panin kan chhuak a, tluang takin tlai lam dâr 4:30-ah kan thleng a. Zanriah ei khamah missionary, Nl. Lallawmsangi te nê inkawm hovin, hna thawh dân tûr kan ruahman ho va.

Inrinniah kan hna thawhna tûr biak in leh a chheh vêl hnim tifaïn hun kan hman a. A tûk Pathianni chawhma inkhâwmnaah Ruantlâng Kohhran Ramthar Committee Chairman, Upa R.

Zalawman Pathian thu chah a sawi a, work camp kalten hla kan rem a. Chawhnu lamah fellowship neiin, zân lamah kohhran mi kan tlawh theih ang ang te inah ãawngtâina hun kan hmang a. A ram mi ringtu te leh ringlo te pawhin Kristiante ãawngtâina chu an dah sângin an thlahlel hle a ni.

Ni 1–3.12.2025 (Thawhtanni-Nilaini) chhông hian biak in chung ban panga leh in hnuai varanda ban pathum, a vaiin ban pariat kan chhông zo va. Hêng bâkah hian biak in leh a chheh vêla hnim kan tifaï vek a; hêng kan tihfaï avâng hian an thenawm vêla mite pawhin an in leh a bul vêl pawh an tifaï ve vek tih thu kan hawn hnuin kan hre leh a, kan lâwm hle a ni. Ni 3 (Nilaini) zân kan hawn dâwn zân hian Krismas boruakin min tuam vêl bawk a, zân lamah Krismas hla chi hrang hrangte sain ringtu a ram mi awm ang ang te leh kan missionary NI. Lallawmsangi te nêh hun kan hmang a, boruak a nuam hle. Lunglêng leh inthlahlel takin zân hun kan hmang ho a ni.

Ni 4 zîng kârah Dumporijo ațangin rawn tluang takin rawn hawngin ni 6 (Inrinni) tlai lam dâr 4:30-ah tluang takin Ruantlâng kan thleng a. Kohhranhoten min lo hmuak a, ãawngtâina hun te kan hman hnuin hlim takin mahni in lamah hâwng a. Hemi zân vêk hian kohhran inkhâwmah ruahman sâ a nih angin work camp kal zîng ațangin Pu C. Lalrivunga, Committee Member-in report ngaihnaawm tak a pe a, kohhranhote pawhin kan hlimpuiin, kan hlâwkpuï hle.

10. Report tûl dang: Biak in sa lai an nih angin hna eng emaw zât zuk thawk mah îla, thawh zawh loh tam tak a la awm a. Ringtute hi hmeichhia deuh vek an nih avângin puih an la ngai hle a ni. He kan work camp-ah hian kohhran chhôngkua leh mi mal ten a kalte ei leh in man tûr pawisa te min pai bawk a. Tin, kohhran mi mi inphalten a ram mi ringtute bih tûr puan man to leh tha tak tak mai 60 zet mai an rawn dah khâwm chu kan keng a, hêngte hi kan work camp-na hmuna kohhrana hmeichhiate pêk an ni a. A bâng la awmte chu a remchân dân anga tihrala chûng pawisa tling khâwm awm ang angte hmanga biak in sak chhunzawmna atân NI. Lallawmsangi, missionary

hnênah pek a ni bawk a. Hêng bâkah hian Ruantlâng Kohhranin biak in sak chhunzawmna atân Nl. Lallawmsangi hnênah pawisa chêng nuai khat kan hnutchhiah tel bawk a ni.

C. Lalrochhara, Ruantlâng Kohhran Ramthar Ziaktu

2.

1. **Field hming** : Tripura Mission North
2. **Khua** : Khumulwng Bial
3. **Tlawh hun** : Ni 13-16.2.2026
4. **Tlawhtu** : Maubawk Pastor Bial Kohhrante
5. **Kal zât** : 25
6. **Tlawh chhan** : Ramthar field a hmuna tlawh

7. Kalkawng: Maubawk Pastor Bial Inkhâwmpui wawi 18-na General No. 7-nain Bial huap work camp nei tûra a lo rêl tawh angin ni 13.2.2026 (Zirtâwpni) zing dâr 5:15-ah Rev. K. Laltlanzova, Bialtu Pastor a ÷awngtai zawhah Maubawk Dawrkawn aţangin kan chhuak a. Mi mal lirthei pathum leh bus pakhat hmangin Jampuijala panin kan chhuak a. Buaina leh harsatna eng mah tâwk lovin tlai dâr 6:30-ah kan tum hmun Jampuijala kan thleng a. Thawktu, Pu P.C. Zoremsiama te chhûngkua leh kohhran mi awm ang angen min lo dawngsawng a, zanriah tui tak min lo buatsaihsak a, a lâwmawm hle. Khumulwng Pastor Bial Vawngtu, Rev. Lalsawmkima leh Pro Pastor Lalchhanliana Dârlong ten min rawn tlawh nghâl bawk a, a thlamuanthlâk hle

8. Lâwmawm lam: Ni 14-ah Tripura Mission Field Office tlawh tûrin dâr 11:30-ah Agartala panin kan chhuak a, Field Secretary, Rev. H. Lalrinsangan min lo dawngsawng a, Field *report* tlângpui te kan ngaithla a, kan hlâwk hle. Thingpui kan in zawhin biak inah lûtin lâwm thu sawi ÷awngţaina te kan nei a. Hemi hnu hian Tripura Provisional Synod Office kan tlawh leh a, Senior Executive Secretary, Rev. Kalu Kalai-an min lo dawngsawng a, thingpui in pahin *report* tlângpui kan ngaithla a, a bengvârthlâk hle.

Ni 25 (Pathianni) zîngah Bial Puipate nêh kohhran chhûngkua te tlawhin damlo tân ÷awngtâina hun kan hmang a. Jampuijala-ah hian Pathianni chawhma dâr 10:30-ah Pathian Biak inkhâwm neih a ni a. Rev. K. Lallianzovan ‘Kohhran’ tih thupui hmangin Pathian thuchah a sawi a, Pi Lalrammawii, Evangelist, Monithang chuan ÷awng a lehsak a ni

Inkhâwm bân hian *Group* hnihah inthenin kohhran panga kan tlawh a. *Group I* te Rev. K. Laltlanzova hovin mi pasarihin Manikung Kohhran (Debbarma hnam) an tlawh a. Thawktu chu NI. Eden Lalhuanmawii, Champhai Ramthim Vei Pawl châwm a ni. *Group II* te hi bus-in kan kal thung a, min hruaitute nêh kan vaiin mi 17 kan ni thung. Kohhran pali kan tlawh a, chûngte chu: *Koloi Dârkhai* (Debbarma), member 21; *Arjunpora* (Debbarma), member 96; *Sogoria* (Kaipeng) member 68; *Monithang* (Kaipeng) member 120 te an ni. Hêng kohhran kan tlawhte hnênah hian pawisa kan pe diat diat hlawm a ni.

Pathianni zân inkhâwmah hmun hnihah inthenin, Rev K. Laltlanzovan Khumulwng Kohhranah thu a sawi a, hemi zân hian mi pathumin an ÷âwiâwm a. A bâk zawng chu Jampuijala Kohhranah kan inkhâwm a, Upa H. Lalremruata, Bial Chairman-in ‘Chanchin ÷a hril’ tih thupui hmangin Pathian thu chah a sawi.

9. Report ÷ûl dang: Khumulwng Pastor Bial kan tlawh chhûng hian harsatna eng mah tâwk lovin hun kan hmang thei a. Khumulwng Pastor Bial vawngtu Rev. Lalsawmkima leh Pro Pastor Lalchhanliana Dârlong te min lo dawnsawnaah thinlung takin lâwm thû kan sawi a. Kan zuk inngahna ber thawktu Pu P.C. Zoremsiama te chhûngkua leh kohhranho chungah lâwm thû kan sawi tak zet bawk a ni. Tluang takin ni 16 (Thawhtanni) zân dâr 8:00-ah Maubawk kan thleng leh thei a. Pathian hruaina leh awmpuina ropui tak kan chang a, a lâwmawm kan ti hle.

Upa Kai÷huama Ralte, Ramthar Ziaktu

3.

1. **Field hming** : Tripura Mission Field
 2. **Khua** : Khaw hrang hrang 10 kan tlawh
 3. **Tlawh hun** : Ni 23-27 February, 2026
 4. **Tlawhtu** : Tuikual Kohhran
 5. **Kal zât** : 14
 6. **Sum sên** : ₹ 58,675
 7. **Tlawh chhan** : Biak In thar hawn & Missionary-te leh ringthar kohhranho tlawh chhuah

8. Kalkawng leh hun hman dân: Ni 23 zîng dâr 7:00-ah Tuikual Hall-aṅanga chhuakin, zân dâr 7:00-ah Gondaek North Mission Compound kan thleng. Sumo pakhat leh mi mal pathumin motor an thawh a. NI. C. Lalnuntluangi, Evangelist leh missionary dangten min lo dawngsawng.

Ni 24 chhûn dâr 12:30-ah biak in thar (ṭum li an sakna) Tuikual Kohhranin ₹ 7,00,000 chuang zet senga an puahpui chu Upa R. Lianzuala, Ramthar Committee Chairman-in Pa leh Fapa leh Thlarau Thianghlim hmingin a hawng a. Rev. S. Lalremruata, Tripura Synod Moderator leh Bialtu Pastor ni bawkin Pathian hnênah a hlân a, Upa R. Lianzualan thuchah a sawi a. Inkhâwm bânah ruai ropui tak, tuihnai tak kan ṭheh a.

A tûk Pathiannah hmun thumah inṭhenin Gondaek North, Jolay leh Jaksuya Kami-ah te chawhma kan inkhâwm a. Chawhnuah Burburia Bial panin kan chhuak a, dâr 2:30-ah Koraimura Biak In thar chu Upa K. Lalthawmmawian Pa leh Fapa leh Thlarau Thianghlim hmingin a hawng a, Rev. Jamil Chandro Molsom, Bialtu Pastor-in Pathian hnênah a hlân a. Inkhâwm bânah ringtu leh ringlote nêh ruai ropui tak kan ṭheh a. He biak in hi Pu Lalengmawia, Tuikual te chhûngin ₹ 2,40,000 sênga an sakpui a ni. Kohhran pahnih Gondaek North leh Koraimura-ah hian Sakramen no leh *tray set* khat ve ve kan pe a, Koraimura PS hi ₹ 2,000 kan pe.

Member 14 kalte hi hmun thumah inṭhenin Mission Centre-te kan tlawh kual a, *group* pawh kan haw hun a inrual thei ta lo. Ni 27-ah Aizawl chu Pathian hruainain kan thleng kim thei chauh a ni.

9. Report t̄ul dang: Kohhran tlawhte

i) Tuidu Bial - Gondaek North (Member 132-awmna, 1991-a din. Nl. C Lalnuntluangi, Evangelist, Tuikual Kohhran rawih awmna); Jolay (Member 100 chuang awmna, 2014-a din. Pu Lalnunmawia Molsom, Evangelist, Tuikual Kohhran rawih awmna); Jaksuya Kami (Member 15-awmna. Pu Samparai Debarma, Evangelist, Tuikual Kohhran rawihin a enkawl).

ii) Burburia Bial - Karaimura (Member 26-awmna. Pu V. Malsaw̄nkima, Kraws sipaiin a t̄hut chilhna); Dalak Khambar (Member pasarih chauh awmna. Evangelist, Nl. Ruthi Lalramdinthari, Kolasib Diakkawn rawihin a t̄hut chilh. Hun eng emaw ti lai kh̄an ringtute Hindu-ah an k̄ir chiam mai a, t̄nah hui kh̄awm leh t̄ura t̄an lâk m̄ek a ni).

iii) Champahour Bial – Khatia (Member 100-chuang awmna. Nl. Lalhunthari, Evangelist-in a t̄hut chilh); Haridon (Member 70-zet awmna. Missionary an awm lo va, anmahniin an thiam ang angin an inenkawl. Thawktu an mamawh êm êm a ni).

iv) Manu Bial – Koraticherra (Member 62-lai awmna. Nl. V̄anlaldusaki, Evangelist, Kolasib Diakkawn rawih laiin a t̄hut chilh); Tuibaklai (Member 24-awmna. Nl. V̄anlalparmawii, Evangelist, Pu P.C. Rokima te chh̄ung, Tuikual rawih laiin a t̄hut chilh)

v) D̄archawi Bial – Sakhipara (Member 40-zet awmna. Nl. Julie, Evangelist, Pu P.C. Rokima te chh̄ung, Tuikual rawih laiin a t̄hut chilh).

H̄eng kohhran kan tlawh chhuahahte hian missionary-ten t̄hahnem ngai tak leh an theih t̄awkin Pathian ram zauna t̄urin an thawk a. Pathian Thlarau Thianghlimin nasa takin a awmpui t̄hin tih han hmuh hian t̄hahnem ngaih a na duh hle. Kohhranhoten i t̄awngtaipui t̄hin ang u.

F. Lalthankhuma, Ramthar Ziaktu



PUNNA 2026

Sl. No.	FIELD	HAWN KUM	JAN-MAR
I. HOME MISSION			
1	Home Mission North	1949	2
2	Home Mission South	1987	
3	Masihi Sangati	1979	400
II. NORTH EAST REGION			
1	Arunachal & Assam Mission Field 'E'	1991	20
2	Arunachal & Assam Mission Field 'N'	2016	6
3	Arunachal & Assam Mission Field 'W'	2001	18
4	Assam Mission Field	2008	4
5	Barak Area	1975	35
6	Karbi Anglong Mission Field	1989	27
7	Tripura Mission Field	1986	335
8	Upper Assam Mission Field	2025	16
9	Cachar Tlangram	2023	15
III. CENTRAL REGION			
1	Calcutta Mission Field	1988	193
2	Delhi Mission Field	1988	39
3	Jharkhand Mission Field	2008	53
4	Lucknow Mission Field	1999	3
5	Odisha Mission Field	2016	64
6	Patna Mission Field	1999	69
7	Siliguri Mission Field	1988	21
1	Cambodia	2010	
2	Nepal Mission Field	2000	30
BELH KHAWM			1,350

RAMTHAR MAN PÊK DÁN



Bank Transfer hmanga pe duh tán a hnuai Account Number tár lanah hian a pêk theih bawk e.

Account Holder : SYNOD RAMTHAR
Account No : 10665621086
IFSC : SBIN0007058
Bank : State Bank of India
Branch : Mission Veng

Ramthar man pete chuan an pêk veleh
WhatsApp No. **8974694225**-ah inhriattír ni se.

MASIHI SANGATI THAWKTU THARTE



Vei lam aţangin

Gideon Laldinpuia, Sunita, Nikita Kar, Suhagani Hembrom, Nancy Marandi, Vanmalsawmdawngzuali, R.K. Lalmangaihzuai, Benjamin Hrangkhoh



SMB leh Lash Studio ten inremna thuthlung (MoA) an ziak



SMB leh MFA ten inremna thuthlung (MoU) an ziak

If not delivered please return to:
The Manager
Ramthar Chanchinbu
Synod Office, Aizawl, Mizoram
India. Pin-796001

To,
